

Statistike za juni 2002. godine o Planu provedbe imovinskih zakona (PLIP)

Organizacije koje su uključene u Plan provedbe imovinskih zakona (OHR, OSCE, UNHCR, CRPC i UNMIBH) ovim putem žele obavijestiti javnost o objavljivanju Statistika o provedbi imovinskih zakona za mjesec juni ove godine. Od početka godine stopa provedbe imovinskih zakona je uvećana za 13%, što znači povećanje od 2% u prosjeku svaki mjesec.

Broj riješenih imovinskih zahtjeva u Federaciji je dostigao broj od skoro 83.000 od 142.000 podnesenih zahtjeva, odnosno 58% od ukupnog broja zahtjeva podnesenih općinskim organima za stambena pitanja. U RS riješeno je više od 52.000 od 109.000 podnesenih zahtjeva, odnosno 48% od ukupnog broja podnesenih zahtjeva. U Brčko Distriktu riješeno je više od 4.000 od 6.900 podnesenih zahtjeva, što predstavlja 59% od ukupnog broja podnesenih zahtjeva.

Zabilježeno je i smanjenje stope provedbe imovinskih zakona, posebno u Velikoj Kladuši, Lukavcu, Gornjem Vakufu – Uskoplju, Bosanskom / Srpskom Brodu i Šipovu, što je rezultat povećanog broja zahtjeva podnesenih za povrat privatne imovine i manjeg broja ulazaka u posjed vraćene imovine.

U drugim općinama, kao što su Bratunac, Kotor Varoš, Modriča, Srebrenica i Srpsko Goražde zabilježeno je primjetno poboljšanje provedbe imovinskih zakona, uglavnom zbog izvršenih usklađenja u zahtjevima za povrat uništene imovine i povećanog broja ulazaka u posjed.